

Kalaallit Nunaanni politiit pillugit naammagittaalliutinik siunnersuisartut pillugit nalunaarut

Kalaallit Nunaanni eqqartuussinermut inatsisip § 64, imm 7-iani, tak. inatsit pillugu nalunaarut nr. 1581 af 13. december 2016, kingullermik allanngorneqartinneqartoq inatsimmi nr. 572 af 10. maj 2022, makku aaliangerneqarput:

§ 1. Politiit ingerlatsinerat pillugu Maalaaruteqarnernut Oqartussaasoq Attuumassuteqanngitsoq (politiit suliaannut atatillugu maalaartarfik) Ka-laallit Nunaannut eqqartuussinermut inatsimmi kapitel 42 a aamma 42 b-mut attuumassuteqartut pillugit misissuineranut imal. paasiniaanermut atatillugu, Kalaallit Nunaanni Politiinut maalaarutit pillugit, tikkuussisumik oqaaseqarpoq.

§ 2. Kalaallit Nunaanni politiit suliaat pillugit siunnersuisuni issiapput advokati ataaseq siulittaasutut, inuinnaallu Advokatrådi Inatsisartullu sinnerlugit Justitsministerip toqqagai marluk, tak, Kalaallit Nunaanni eqqartuussinermut inatsimmi § 64, imm. 2-4.

§ 3. Siunnersuisartut siulittaasuata siunnersuisartut suliasai pilersaarusiortarpai ullullu ataatsimiiffissat aaliangersortarlugit aammalu ataatsimiinnerit aquttarlugit.

Stk. 2. Siunnersuisartut siulittaasuata tassani allatsitit sullissisussaq inissittarpaa.

§ 4. Siunnersuisartuni issiasut tamarmiusut suliap sammeneqarluni suliarineqarnerani peqataassapput, takuulli imm. 2.

Imm. 2. Siunnersuisartunut suliarinninnermi peqataasinnaangilaq, sammeneqartumut aqutsinissamik inatsimmi peqqussummi nr. 1188, 27. december 1994-imeersumi kapitalit 2-anni allasimasut naapertorlugit, ilaasorta qpineqartumut attuumassuteqartoq.

§ 5. Suliat oqaluinnarluni ingerlanneqartarput.

Imm. 2. Siulittaasup aalajangersinnaavaa suliasaq imaluunniit suliasat ilaat allaganngorlugit suliarineqassanersut. Ilaasorta qinnuteqarpat, oqaluinnarnikkut suliasaq isumagineqassaaq.

Imm. 3. Siunnersuisartut ataatsimiinneri oqarasuaatikkut ingerlanneqarsinnaapput imal. attaveqaatitigut assitalimmik ingerlanneqarsinnaallutik.

§ 6. Siunnersuisartut ataatsimiinneri ammasuunngillat.

§ 7. Siunnersuisartunut ilaasortaasut nipangiussisussaataapput, tak. aqutsinermut inatsimmi § 27 peqqussut nr. 1188, 27. december 1994-imeersoq atorlugu Kalaallit Nunaannut atuuttussanngortitaasoq.

Stk. 2. Ataatsimiititaliamut ilaasortat politiit oqartussaaffiannit akuersisummik peqartinnatik ataatsimiinnermi atugassianik tigunikuusaminnik allanut ingerlateqqiillutik tunniussisinnaatitaanngillat.

§ 8. Siunnersuisut tikkuussisutitut oqaaseqaataat allaganngortinneqassapput siulittaasumit imal. taassuma piginnaassusiligaanit atsiorneqartumik.

§ 9. Nalunaarut atuutilissaaq 1. januar 2023.

Imm. 2. Aalajangersakkat kaajallaasitallu tulliuttut atorunnaarsinneqarput:

1. Kalaallit Nunaanni Politiit pillugit naammagittaalliorfiup suleriesissaa nalunaarut nr. 774, 8. oktober 1999-imeersoq
2. Nalunaarut nr. 775, 8. oktober 1999-imeersoq (politiit pillugit naammagit-taarliortarfiup katitigaanera il.il)
3. Politiit pillugit naammagittaalliutinik aalajangiiniartartut siulittaasuisa ilaasortaasalu akilerneqartarnissaat pillugu kaajallaasitaq nr. 9693, 6. oktober 2008-meersoq atorunnaarsinneqarput.

Inatsisinik atuutsitsinermut ministeriaqarfik, ulloq 19. december 2022

Peter Hummelgaard

/ Marie Green